

USPJESI NA TAKMIČENJIMA ŠKOLSKE 2024/2025. GODINE

Tri zlatne i tri srebrne medalje

Na Atletskom mitingu koji je održano u utorak 5.10.2024. godine na Gradskom stadionu Tušanj naši učenici ostvarili su izuzetne rezultate. Prvo mjesto u skoku udalj osvojio je Abdel Rahman Youssef. U utrci na 60 metara prvo mjesto zauzeo je Adnan Džibrić, dok je u bacanju vortexa prvo mjesto osvojio El Checkh Faruk. U utrci na 800 metara drugo mjesto zauzeo je Zemir Zahirović, dok je drugo mjesto u utrci na 300 metara zauzeo Rejhan Šehović. Adnan Džibrić osvojio je drugo mjesto u skoku udalj, a Madžid Imamović je u utrci na 300 metara zauzeo četvrto mjesto.

Naši momci su pokazali da su u izvrsnoj formi i da su zasluženo osvojili tri zlatna i tri srebrna odličja.

Pobjednički bajrak u Behram-begovoj medresi

U periodu 8-10.11.2024. godine u Karađoz-begovoj medresi u Mostaru održani su VIII sportski susreti učenica srednjoškolskih obrazovnih ustanova Islamske zajednice u Bosni i Hercegovini. Djevojke su se takmičile u odbojci, atletici, stonom tenisu i šahu.

Naše sportašice su bile izuzetne i ostvarile su odlične rezultate. Merima Mehmedović u utrci na 100 i 200 metara osvojila je prvo mjesto. Drugo mjesto pripalo je našim odbojkašicama. Treće mjesto u stonom tenisu zauzela je Minela Halilović. Četvrto mjesto u šahu osvojila je Vildana Ramić.

Nakon ovih sjajnih rezultata naša Medresa je ekipno osvojila prvo mjesto i donijela pobjednički bajrak u Tuzlu. Drugo mjesto pripalo je Gazi Husrev-begovoj medresi i treće mjesto osvojila je Medresa Osman-ef. Redžović iz Visokog.

Najuspješnijom sportiskinjom proglašena je Merima Mehmedović, učenica četvrtog razreda Behram-begove medrese.

Učestvovala su: Gazi Husrev-begova medresa iz Sarajeva, Medresa Osman-ef. Redžović iz Visokog, Karadoz-begova medresa iz Mostara, Medresa Reis Džemaludin-ef. Čaušević iz Cazina, Medresa Mehmed Fatih iz Podgorice, Elči Ibrahim-pašina medresa iz Travnika, Medresa Reis-ef. Maglajlić iz Banje Luke i Behram-begova medresa iz Tuzle.

Učenice je pripremala profesorica tjelesnog i zdravstvenog odgoja u Behram-begovoj medresio Mediha Buljubašić.

Behram-begova medresa prva iz arapskog jezika

Takmičenje iz arapskog jezika za učenike četvrtih razreda medresa Islamske zajednice u Bosni i Hercegovini održano je u ponedjeljak 18.11.2024. godine u Medresi Osman-ef. Redžović u Visokom.

Takmičari Behram-begove medrese ekipno su zauzeli prvo mjesto. Lamija Hadžiefendić osvojila je drugo mjesto. Lejla Baturić zauzela je četvrto mjesto.

Takmičilo se osam medresa: Gazi Husrev-begova medresa iz Sarajeva, Medresa Osman-ef. Redžović iz Visokog, Elči Ibrahim-pašina medresa uz Travnika, Karadoz-begova medresa iz Mostara, Medresa Džemaludin-ef. Čaušević iz Cazina, Medresa Reis Ibrahim ef. Maglajlić iz Banja Luke, Medresa Gazi Isa-beg iz Novog Pazara i Behram-begova medresa iz Tuzle.

Drugo i treće mjesto za učenike Medrese

Na literarnom konkursu koji je raspisan povodom 25. novembra Dana državnosti Bosne i Hercegovine, Kanita Čavalić, učenica drugog razreda, osvojila je drugi, a učenik Elnur Mahmutbegović treće mjesto.

Tema konkursa je bila *Kome danas smeta ZAVNOBiH*.

Konkurs je raspisao Savez antifašista i boraca NOR-a Tuzlanskog kantona.

Medresini odbojkaši na takmičenju u Bratislavi

U periodu od 1-4.12.2024. godine u Bratislavi je održano Evropsko inkluzivno prvenstvo u odbojci. Reprezentacija Bosne i Hercegovine u Prvoj diviziji osvojila je četvrto mjesto. U timu specijalne olimpijade naše zemlje bila su i četiri učenika Behram-begove medrese. Za naš tim su nastupili Adnan Džibrić, Mahir Lević, Bilal Baščelić i Amer Sinanović. U pratnji sa učenicima je bio profesor tjelesnog i zdravstvenog odgoja u našoj školi Samir Spahić. Ovo je bio prvi jedinstveni evropski odbojkaški turnir Specijalne olimpijade.

Bila je ovo prilika da naši sportisti steknu nova iskustva i poznanstva, te da dostojanstveno predstavljaju svoju domovinu Bosnu i Hercegovinu.

Ekipni pobjednici XXIX takmičenja iz Fizike

U subotu 15. marta 2025. godine u Mješovitoj srednjoj školi u Doboju Istoku održano je XXIX takmičenje učenika srednjih škola Tuzlanskog kantona iz fizike.

Na takmičenju su učestvovala 24 srednje škole i 77 takmičara, a organizator je bio Pedagoški zavod TK, u saradnji s Društvom fizičara TK.

Našu školu su predstavljali učenici: Hamza Osmanović, Harun Ahmić i Ensar Hamidović (Mehanika i termodinamika) i Lejla Baturić (Optika, atomska i nuklearna fizika).

Hamza Osmanović je osvojio 1. mjesto, Ensar Hamidović 2. mjesto, kao i Lejla Baturić, dok je Harun Ahmić zauzeo 5. mjesto.

Ovi odlični rezultati su i ove godine podigli našu školu na pobjednički tron u ukupnom plasmanu svih srednjih škola na području Tuzlanskog kantona.

Ista ova ekipa se tako plasirala i na Federalno takmičenje iz fizike, koje će biti održano na Prirodno-matematičkom fakultetu Univerziteta u Sarajevu 12. 4. 2025. godine.

Njih je predvodio profesor Dino Ćorović.

Suad Mumić kantonalni vicešampion iz matematike

U subotu 22.3.2025. godine u Gimnaziji Meša Selimović održano je kantonalno takmičenje iz matematike za učenike srednjih škola. Na ovom takmičenju je naš Suad Mumić osvojio drugo mjesto, u kategoriji I razreda. Lejla Baturić, učenica četvrtog razreda zauzela je četvrto mjesto. Sa ovim rezultatom plasirali su se na federalno takmičenje.

Našu školu su još predstavljali Malik Ahmić, Anisa Fatić i Hamza Osmanović. Učenike su pripremale Seldina Halilović i Jasmina Rahmanović, profesorice matematike u našoj školi.

Takmičenje je organizovano u saradnji sa Pedagoškim zavodom Tuzlanskog kantona i Udruženjem matematičara TK.

Aner Musić osvojio treće mjesto

Kantonalno takmičenje iz engleskog jezika za učenike srednjih škola održano je 26.3.2025. godine u Srednjoj medicinskoj školi u Tuzli. Behram-begovu medresu je predstavljalo devet učenika, odnosno po tri učenika iz prvog, drugog i trećeg razreda. Naš učenik Aner Musić osvojio je treće mjesto u kategoriji trećih razreda. Učenici Harun Delić i Riad Hodžić su zauzeli peto mjesto. Ostali učenici su ostvarili zapažene rezultate.

Učenike su pripremali profesori engleskog jezika u Behram-begovoj medresi Amila Hasanspahić, Suvada Osmančević i Asmir Dorić.

Esma Rahmanović zauzela prvo mjesto iz geografije

U srijedu 9.4.2025. godine održano je Kantonalno takmičenje srednjih škola iz geografije. Domaćin ovogodišnjeg takmičenja bila je Mješovita srednja škola Živinice.

Našu školu su predstavljali Esma Rahmanović i Eldin Kamenjašević. Naša učenica Esma Rahmanović osvojila je prvo mjesto u rangu gimnazija.

Takmičare je pripremala Amra Hasanović, profesorica geografije u Behram-begovoj medresi.

Drugo mjesto za Medresin tim

U Behram-begovoj medresi je 11.4.2025. godine održano finalno takmičenje učenika srednjih škola u izradi poslovnih planova „Creating Value for Others 2025.“ Predstavljeno je osam najboljih poslovnih planova, koji su pripremani od decembra 2024. do marta 2025. godine.

Članice tima Behram-begove medrese predstavile su poslovni plan *Edu Exchange* i zauzele su drugo mjesto. Ovaj plan su predstavile učenice trećeg razreda naše škole Lamija Bačevac, Belkisa Joldić i Elmina Hanić, učenica četvrtog razreda. Njihova mentorica je voditelj sekcije Liderstvo i poduzetništvo Suvada Osmančević. Prvo mjesto osvojila je ekipa Srednje škole Pero Zečević iz Odžaka, s poslovnim planom *Plantify d.o.o.*, dok je treće mjesto zauzela ekipa Druge srednje škole Velika Kladuša s poslovnim planom *Slatka radionica u kutiji*.

U ovogodišnjem ciklusu takmičenja dvadeset timova je predalo svoje poslovne planove, koje je pregledala stručna komisija. Najboljih osam timova plasiralo se u finale, a svoje ideje su usmeno predstavili pred stručnim žirijem. Članovi komisije, koji su ocjenjivali poslovne planove su uspješni poduzetnici iz naše zemlje. Ovogodišnje takmičenje je proteklo u znaku inovacija i entuzijazma budućih mladih poduzetnika.

Creating Value for Others 2025 je jedna od aktivnosti programa Future Entrepreneurs of the World čiji je inicijator i organizator

dr. Andrew Balas i Fondacija Forerunner Federation iz Sjedinjenih Američkih Država.

Organizatori takmičenja su Fondacija Forerunner Federation iz SAD-a, Behram-begova medresa i Edukacijski centar Nahla iz Tuzle.

Lejla Baturić se plasirala na državno takmičenje iz fizike

U subotu 12.4.2025. godine na Prirodno-matematičkom fakultetu Univerziteta u Sarajevu održano je XXIX federalno takmičenje iz fizike za učenike srednjih škola. Učestvovalo je 118 takmičara iz cijele Federacije Bosne i Hercegovine.

Ranije su se na kantonalnom takmičenju iz Behram-begove medrese plasirala četiri učenika u dvije kategorije. Iz oblasti Mehanika i termodinamika bila su tri takmičara. Hamza Osmanović zauzeo je četvrto mjesto, Harun Ahmić peto, dok je Ensar Hamidović zauzeo dvanaesto mjesto. Iz oblasti Cjelokupna fizika Lejla Baturić zauzela je četvrto mjesto i ovim rezultatom se plasirala na državno takmičenje (BH olimpijadu) iz fizike, koje će se održati 26. aprila 2025. godine u Banjoj Luci.

U izuzetno jakoj konkurenciji naši učenici su pokazali da smo na samom vrhu kada je izučavanje fizike u pitanju, a iza ovakvih rezultata su mjeseci priprema i odricanja. Učenike je pripremao profesor fizike u našoj školi Dino Ćorović.

Organizatori takmičenja su Društvo fizičara Federacije Bosne i Hercegovine i Prirodno-matematički fakultet Univerziteta u Sarajevu.

Medresini nogometaši najbolji u Tuzli

Gradsko prvenstvo srednjih škola u malom nogometu održano je u ponedjeljak 14.4.2025. godine u Behram-begovoj medresi. U polufinalnoj utakmici ekipa Behram-begove medrese pobijedila je Građevinsko-geodetsku školu rezultatom 4:0. U finalu su naši momci savladali ekipu Međunarodne srednje škole Richmond park sa rezultatom 7:4.

Sa ovim sjajnim rezultatom naša škola je osvojila prvo mjesto i plasirala se na Kantonalno takmičenje, koje će se održati u Teočaku 23.4.2025. godine na kojem će predstavljati Grad Tuzlu.

Pokrovitelj Gradskog školskog prvenstva je Grad Tuzla. Organizatori su Pedagoški zavod Tuzlanskog kantona, Ministarstvo za kulturu, sport i mlade TK i Školsko sportsko društvo Grada Tuzle.

Treće mjesto iz Hadisa za Behram-begovu medresu

Takmičenje iz predmeta Hadis za učenike trećeg razreda srednjoškolskih ustanova Islamske zajednice u Bosni i Hercegovini održano je u ponedjeljak 14.4.2025. godine u Behram-begovoj medresi. Našu školu su predstavljala tri takmičara: Nail Salkanović osvojio je 96 bodova, Sara Mehmedović 95 bodova i Hidajeta Mahalbašić je osvojila 91,3 boda. Zahvaljujući ovim rezultatima naša škola zauzela je ekipno treće mjesto. Prvo mjesto osvojila je Elči Ibrahim-pašina medresa iz Travnika, a drugo mjesto je zauzela Karađoz-begova medresa iz Mostara. Učenike je pripremao hفز. Amir Hodžić, profesor hadisa u našoj školi.

Na takmičenju su učestvovala Gazi Husrev-begova medresa iz Sarajeva, Medresa Osman-ef. Redžović iz Visokog, Elči Ibrahim-pašina medresa iz Travnika, Karađoz-begova medresa iz Mostara, Medresa Reis Džemaludin-ef. Čaušević iz Cazina, Medresa Reis Ibrahim-ef. Maglajlić iz Banja Luke i Behram-begova medresa iz Tuzle.

Organizator takmičenja je Uprava za obrazovanje i nauku Rija-seta Islamske zajednice u Bosni i Hercegovini.

Drugo i treće mjesto iz bosanskog jezika

Danas je u prostorijama Ekonomsko-trgovinske škole u Tuzli prvi put održano takmičenje iz Bosanskog jezika i književnosti za treće razrede srednjih škola Tuzlanskog kantona. Behram-begovu medresu su predstavljali Emina Đerzić, Esmā Agić i Hamza Hadžić. Emina Đerzić osvojila je drugo mjesto, a Esmā Agić treće mjesto, dok je Hamza Hadžić bio šesti.

Učenike je pripremala profesorica bosanskog jezika u Behram-begovoj medresi Emina Hatunić. Takmičenje je organizovao Pedagoški zavod Tuzlanskog kantona.

Treći na gradskom takmičenju iz Projekta građanin

Na takmičenju srednjih škola iz Projekta građanin tim Behram-begove medrese zauzeo je treće mjesto sa ostvarenih 720 bodova.

Našu školu su na gradskom takmičenju predstavljale učenice 4d odjeljenja, a tema koju su pripremile i istražile je *Neplaćanje alimentacije je krivično djelo*.

Projekat građanin je praktični dio Civitas programa, gdje učenici istražuju probleme u zajednici i predlažu rješenja.

Učenice je pripremala profesorica Demokratije i ljudskih prava u našoj školi Mersa Šabanović Ibišević.

Četvrti na takmičenju iz Sire

U ponedjeljak 21.4.2025. godine u Medresi Reis Džemaludin-ef. Čaušević u Cazinu održano je takmičenje iz životopisa Muhammeda a.s.

Našu školu su predstavljali takmičari Benjamin Hodžić, Sanjin Džebić i Harun Poljić. U ekipnom plasmanu Behram-begova medresa zauzela je četvrto mjesto sa osvojenih 258 bodova.

Učenike su pripremali profesorica Ehlimana Suljić i profesor Nedžad Vehabović.

Organizator takmičenja je Uprava za obrazovanje i nauku Rija-seta Islamske zajednice u Bosni i Hercegovini.

Treće mjesto iz biologije

Kantonalno takmičenje iz biologije, za učenike srednjih škola održano je u utorak 22.4.2025. godine u Gimnaziji Živinice. Medina Hatunić, učenica četvrtog razreda Behram-begove medrese takmičila se iz oblasti genetika i zauzela je treće mjesto.

Naše predstavnice Anisa Fatić, Aiša Mujagić i Medina Mešić ostvarile su zapažene rezultate.

Takmičare su pripremali profesori biologije u Behram-begovoj medresi Muamera Kozarević i Edin Brigić.

Organizator takmičenja je Pedagoški zavod Tuzlanskog kantona.

Održano takmičenje iz biozaštite i biosigurnosti

Kantonalno takmičenje iz biozaštite i biosigurnosti održano je u ponedjeljak 14.4.2025. godine u Gimnaziji Meša Selimović. Takmičila se 21 srednja i 31 osnovna škola. Nadmetalo se u tri kategorije: kratki film, modeliranje i istraživački rad u pano verziji. Naši učenici su u kategoriji istraživačkog rada odtvarili zapažen plasman, a tema koju su predstavili je Uticaj društvenih mreža na vakcinaciju. Učenici koji su predstavili našu školu su Daris Umihanić i Muhamed Bećirović.

Učenike je pripremao profesor Edin Brigić.

Organizatori takmičenja su Akademija nauka i umjetnosti Bosne i Hercegovine, Pedagoški zavod Tuzlanskog kantona i Gimnazija Meša Selimović.

Lejla Baturić se plasirala na Svjetsku olimpijadu iz fizike

Državno takmičenje učenika srednjih škola iz fizike održano je u subotu 26.4.2025. godine na Prirodno-matematičkom fakultetu u Banjoj Luci. Učestvovala su dvadeset i dva najbolja fizičara iz Bosne i Hercegovine. Među njima bila su dva predstavnika Behram-begove medrese, koji su prethodno učestvovali na Federalnom takmičenju Lejla Baturić i Hamza Osmanović. Naša učenica Lejla Baturić osvojila je peto mjesto i sa ovim sjajnim rezultatom plasirala se na Međunarodnu (Svjetsku) olimpijadu iz fizike (IphO) koja će biti održana u Francuskoj. Ona je četvrti predstavnik naše škole koji se uspio plasirati na olimpijadu iz fizike.

Iza ovog sjajnog rezultata su mjeseci priprema, učenja i odricanja. Učenike je pripremao profesor fizike u Behram-begovoj medresi Dino Ćorović.

Organizator takmičenja je Društvo fizičara Federacije Bosne i Hercegovine i Republički pedagoški zavod RS.

Viceprvaci na sportskim susretima

U periodu 25-27.4.2025. godine u Elči Ibrahim-pašinoj medresi u Travniku održani su XXIV sportski susreti srednjoškolskih obrazovnih ustanova Islamske zajednice u Bosni i Hercegovini. Takmičilo se u atletici, futsalu, košarci, šahu i tenisu. Naša škola je osvojila srebro i pokazala da ostaje u vrhu kada je riječ o nadmetanje u sportskim disciplinama. U atletici su naši takmičari ubjedljivo bili najbolji. U disciplini trčanje na 800 metara Zemir Zahirović osvojio je prvo mjesto. U disciplini trčanje na 100 metara Rijad Muratović osvojio je prvo mjesto, dok je u disciplini trčanje na 200 metara zauzeo drugo mjesto. Ekipa naše škole zauzela je treće mjesto u futsalu, četvrto mjesto iz košarke i stonog tenisa i peto mjesto iz šaha.

Mentor i podrška našim učenicima bio je profesor tjelesnog odgoja u našoj školi Samir Spahić. Pripreme su trajale mjesecima i treninzi su bili svakodnevni.

Ovogodišnji pobjednik sportskih susreta je Karadoz-begova medresa iz Mostara, a treće mjesto zauzela je ekipa Elči Ibrahim-pašine medrese iz Travnika.

Organizator sportskih susreta je Uprava za obrazovanje i nauku Rijasetu Islamske zajednice u BiH.

Šampioni gradskog prvenstva u atletici

Gradsko prvenstvo srednjih škola u atletici održano je u četvrtak 8.5.2025. godine na stadionu Tušanj. Naši takmičari su osvojili izuzetne rezultate. U disciplini na 100 metara Rijad Muratović zauzeo je prvo mjesto, a Selver Bašić je osvojio treće mjesto. Ajdin Hadžić je zauzeo treće mjesto u disciplini na 400 metara. U disciplini skok udalj Adnan Džibrić zauzeo je prvo mjesto, Youssef Abdelrahman

osvojio je drugo mjesto, a Šehović Rejhan zauzeo je šesto mjesto. U disciplini na 1000 metara Zemir Zahirović osvojio je treće mjesto, a Ajman Subašić zauzeo je osmo mjesto. U disciplini bacanje kugle Muamer Džindić zauzeo je treće mjesto. U disciplini štafeta 4×100 metara naši momci su zauzeli prvo mjesto.

Sa ovim sjajnim rezultatima ubjedljivo su bili prvi i ponovili su status šampiona od prošle godine, te će predstavljati grad Tuzlu na Kantonalnom takmičenju. Učenike je pripremao profesor tjelesnog odgoja u Behram-begovoj medresi Samir Spahić.

Kantonalni šampioni iz atletike

Kantonalno takmičenje iz atletike održano je u utorak 13.5.2025. godine na stadionu Tušanj. Ekipa Behram-begove medrese predstavljala je ekipu Tuzla 1 i osvojila je prvo mjesto. Sa ovim sjajnim rezultatom naši momci su se plasirali na Federalno takmičenje.

Prethodno su naši sportisti zauzeli prvo mjesto na gradskom takmičenju koje je održano 8.maja osvojivši tri zlatne, jednu srebrnu i četiri bronzane medalje. Profesor tjelesnog odgoja u Behram-begovoj medresi Samir Spahić pripremao je takmičare i bio je podrška dok su trajale višemjesečne pripreme za ovo izuzetno zahtjevno takmičenje.

Četiri tima iz Medrese na FIZIKON-u

Učenici Behram-begove medrese su u subotu 10.5.2025. godine učestvovali na Regionalnom online takmičenju iz fizike FIZIKON. Ovo takmičenje okuplja mlade fizičare iz osnovnih i srednjih škola iz Bosne i Hercegovine i susjednih zemalja. Takmičenje je osmišljeno tako da kroz timski rad, logičko razmišljanje i kreativno rješavanje problema promoviše fiziku na zanimljiv i interaktivan način. Zadaci su obuhvatali različite oblasti fizike, od mehanike i termodinamike, do optike i elektromagnetizma. Poseban izazov predstavlja činjenica da neke od tih oblasti naši učenici još nisu obrađivali kroz redovnu nastavu, što njihov rezultat čini još značajnijim. Na FIZIKON-u su učestvovala tri tima iz Behram-begove

medrese. U prvom timu bile su Amina Bikić, Amina Suljkanović i Zulejha Zaimović. One su zauzele deveto mjesto. U drugom timu bile su Amina Okić, Amina Hadžić i Lamija Rešidović. One su zauzele trinaesto mjesto, pokazujući odlično snalaženje u zadacima i timsku saradnju. U trećem timu bili su Harun Ahmić, Ahmed Redžepović i Kenan Duraković. Oni su osvojili dvadeset i prvo mjesto. Bez obzira na izazove i obim gradiva koji su učenici tek trebali savladati, svi su pokazali izuzetnu motivaciju, logičko razmišljanje i spremnost da uče i istražuju.

Učenici Hamza Osmanović, Lejla Baturić i Ensar Hamidović su zauzeli 5. mjesto. Prvih pet timova učestvuje na finalu koje će se održati u Sarajevu od 16. do 18. maja 2025. godine.

Pobjednici Fizikona

U finalu ovogodišnjeg Fizikona koje je trajalo u periodu 16-18.5.2025. godine učenici Behram-begove medrese Lejla Baturić, Ensar Hamidović i Hamza Osmanović su se istakli svojim izuzetnim znanjem, timskim duhom i inovativnim pristupom, te su zasluženo proglašeni apsolutnim pobjednicima. Njihov uspjeh je rezultat predanog rada, radoznalosti i ljubavi prema nauci.

Fizikon je takmičenje iz fizike koje okuplja talentovane i znatiželjne učenike osnovnih i srednjih škola, s ciljem da promoviše ljubav prema fizici, eksperimentima i naučnom razmišljanju. Kroz različite zadatke, eksperimente i timski rad, učenici imaju priliku da pokažu svoje znanje, snalažljivost i kreativnost.

#	RAZRED	IME I PREZIME	KATEGORIJA
1	Ia	Suad Mumić	Najbolji učenik
2	Ib	Sanjin Džebić	Najbolji učenik
3	Ic	Nedžma Ibrahimović	Najbolja učenica
4	Id	Nejla Ferizović	Najbolja učenica
5	Ila	Harun Ahmić	Najbolji učenik
6	I Ib	Hamza Osmanović	Najbolji učenik
7	I Ic	Nejra Alispahić	Najbolja učenica

#	RAZRED	IME I PREZIME	KATEGORIJA
8	II d	Anisa Fatić	Najbolja učenica
9	III a	Ensar Hamidović	Najbolji učenik
10	III b	Hamza Hodžić	Najbolji učenik
11	III c	Džana Begić	Najbolja učenica
12	III d	Esma Agić	Najbolja učenica
13	III a	Ajdin Hadžić	Najuspješniji sportista
14	III c	Lejla Mehmedović	Najuspješnija sportistkinja
15	III d	Esma Agić	Najčitatelj

Značajniji uspjesi u školskoj 2024./2025.

Značajan dio nastupa je bio takmičarskog karaktera. Izdvajamo najbitnije uspjehe ostvarene u protekloj nastavnoj godini:

Pregled uspjeha na predmetnim takmičenjima				
Uspjeh	Nivo takmičenja	Ime i prezime učenika	Nastavni predmet iz kojeg je učenik ostvario rezultat	Organizator
1.	Kanton	Esma Rahmanović	Geografija	PZTZ
1.	Kanton	Hamza Osmanović	Fizika	PZTZ
1.	Rijaset	Ekipno	Arapski jezik	Rijaset - Uprava za obrazovanje i nauku
2.	Kanton	Lejla Baturić	Fizika	PZTZ
2.	Kanton	Ensar Hamidović	Fizika	PZTZ
2.	Kanton	Suad Mumić	Matematika	PZTZ
2.	Kanton	Emina Đerzić	Bosanski jezik	PZTZ
2.	Rijaset	Lamija Hadžiefendić	Arapski jezik	Rijaset - Uprava za obrazovanje i nauku
3.	Kanton	Esma Agić	Bosanski jezik	PZTZ
3.	Kanton	Aner Musić	Engleski jezik	PZTZ
3.	Kanton	Medina Hatunić	Biologija	PZTZ
3.	Rijaset	Ekipno	Hadis	Rijaset - Uprava za obrazovanje i nauku

Pregled uspjeha na sportskim takmičenjima				
Uspjeh	Nivo takmičenja (kantonalno, federalno ...)	Ime i prezime	Sport/disciplina	Organizator
1.	Rijaset	Ekipno (učenice)	Razni sportovi	Uprava za obrazovanje i nauku
2.	Rijaset	Ekipno (učenici)	Razni sportovi	Uprava za obrazovanje i nauku
1.	Gradsko	Ekipno	futsal	Sportski savez Grada Tz
1.	Gradsko	Ekipno	Atletika	Sportski savez Grada Tz
2.	Gradsko	Ekipno	Odbojka	Sportski savez Grada Tz
1.	Gradsko	Abdelrahman Youssef	skok u dalj	Sportski savez Grada Tz
1.	Gradsko	Adnan Džibrić	60 metara	Sportski savez Grada Tz
1.	Gradsko	El Chechk Faruk	bacanje vortexa	Sportski savez Grada Tz
2.	Gradsko	Zemir Zahirović	800 metara	Sportski savez Grada Tz
2.	Gradsko	Rejhan Šehović	300 metara	Sportski savez Grada Tz
1.	Gradsko	Rijad Muratović	100 metara	Sportski savez Grada Tz
3.	Gradsko	Selver Pašić	100 metara	Sportski savez Grada Tz
3.	Gradsko	Ajdin Hadžić	400 metara	Sportski savez Grada Tz
1.	Gradsko	Adnan Džibrić	Skok u dalj	Sportski savez Grada Tz
2.	Gradsko	Youssef Abdelrahman	Skok u dalj	Sportski savez Grada Tz
3.	Gradsko	Zemir Zahirović	1000 metara	Sportski savez Grada Tz
3.	Gradsko	Muamer Džindić	Bacanje kugle	Sportski savez Grada Tz
1.	Gradsko	Ekipno	Štafeta4x100	Sportski savez Grada Tz
1.	Kantonalno	Ekipno	atletika	Sportski savez TK

Rang lista najuspješnijih odjeljenja u školskoj 2024/25. godini sa propisanim nagradama

1. mjesto – odjeljenje Id, sa prosječnom ocjenom 4,43. Nagrada je jednodnevni izlet u radnom danu na području BiH sa plaćenim troškovima prijevoza.

2. mjesto – odjeljenje Iic, sa prosječnom ocjenom 4,42. Nagrada je jednodnevni izlet u neradnom danu na području BiH sa plaćenim troškovima prijevoza.

3. mjesto – odjeljenje IId, sa prosječnom ocjenom 4,21. Nagrada je jednodnevni izlet u neradnom danu na području TK sa plaćenim troškovima prijevoza.

Odjeljenje sa najmanje izostanaka u toku školske godine je odjeljenje IId, s ukupno 1086 izostanaka tokom školske godine, a nagrada je jednodnevni izlet u neradnom danu na području BiH sa plaćenim troškovima prijevoza.